

乾隆丁未仲秋

登封縣志


本衙藏板

登封縣志敘

賜進士及第 巡撫河南等處提督軍門兼理河務 欽加一品 畢沅撰
撰一方之志難撰一方之志而有名山大川在其境者
尤難非有屬善長之博虛李忠懿之嚴整勿能善也登
封爲河南府下縣然其地實天下之中山則嵩少水則
潁洧諸川在焉且其地兼漢縣四潁陽陽城密高綸氏
是也兼魏郡二魏縣五陽城郡中川郡陽城潁陽康城
溼陽臨武五縣是也故城舊縣歷歷可考而舊志皆畧
之又舊唐書經籍志載樊文深中岳潁川志五卷孟利
貞封禪錄十卷宋都能嵩高少室寇天師等傳三卷以
迄楊銜之洛陽伽藍記五卷無名氏洛陽宮殿簿三卷

皆兼及登封近世之著嵩書及說嵩者皆能采之而舊志又畧焉非完書矣及門洪常博穉存濶于地理之學向在關中余曾屬助校華嶽及關中勝蹟圖等志今從余客大梁適宰登封陸君爲穉存同里因以志事屬焉余又急憇愍之凡四閱月而成爲記十爲表二簿二爲志四爲傳六爲錄二合三十卷穉存病夫近時府州縣志皆俚而不典信傳聞而忽書傳故其命名皆取于秦漢以來至唐宋而止又徵引歷史及記傳皆不厭其詳必無可徵始采舊志及采訪事實以補之可謂通于作史之義者矣是書成于穉存及陸君而縣中賢士大夫編校之力亦多例得附書將見他日傳是書者當與宋

徵求孟元老同稱非近今方志所可同日語也是爲序




郡邑志所以正疆圉著形勢識地利稽戶口定賦役
風土彰人物紀沿革興廢之故晰政教治亂之由蓋化
民成俗之要而考鏡得失之林也是故其紀錄故寔也
必詳賅而雅馴其採取事蹟也必一秉諸大公而不謬
於是非之正然後可以昭信垂遠無媿古良史焉登封
古陽城地開闢最遠枕嵩濯潁居天地之中爲山河大
湊夫邑古而踞勝載筆者非夸大誕妄卽譌舛挂漏信
乎闕疑慎餘之難也抑地小而瘠民貧而樸俗知向義
急公固易與爲善也而伏巖棲穴多老死不履城闕無
風化教行以馴其獷悍桀鷲之氣往往見利輕生自罹

法網則其中孝弟節義之行勃發於天性者亟須徧採而表章之以言爲教俾咸知激勸庶書所謂彰善癉惡樹之風聲者乎陽湖陸君以孝廉來宰是邑甫下車卽以續修邑志爲務屬其事於常博洪君穉存穉存好古淵博於名勝古蹟考証折衷其必無仍訛踵謬挂一漏萬之失歲弄者將珍爲拱璧已顧志者爲政之書也觀其所以爲志卽知其所以爲政此數十年來土田之更遷戶口之登耗風俗之移易水利之修廢旣當據寔徵信使宰是邑者披卷而識因地制宜之道且人物日增於前孝子悌弟節婦義士之去取兢兢焉協輿論秉至公不戾於是非之正由是草野細民轉相傳誦勃然興

起是則是儆風俗日益厚人材日益盛其裨益世教者
匪渺又不徒以文字典瞻博汲古者之觀覽已是則陸
君之信能以文治也亦余之所厚望矣夫

賜進士出身戶部郎中知河南府事加四級武岡劉文
徽撰



鍾麟垂髫隨先奉政公宦雖陽爲湯文正公故里曩宰
柘城爲竇靜菴先生故里適來登封又爲耿逸菴先生
故里一代理學名儒釣游之鄉藐躬薄植堂奧莫窺於
焉滋愧顧傳書具在所講習而垂於世者幾與歲月而
俱湮求其子弟稍稍秀異克守家學亦足以慰思古之
幽情嗚呼人往風微不絕亦如縷矣登封縣志修於吾
鄉洪稚存先生亦名流之述作也前年兵燹版燬不完
亟爲捐俸刊補抱殘守缺之私固猶是懷古稱先之志
云爾乙卯冬江蘇金鍾麟跋

竊以周禮闕冬官一册恨遺千秋朱子補苴知之章功
垂萬世矧縣志關乎全縣山川靈秀名人之遺迹物產
風俗之特色忠孝節義之芳聲先賢哲士精心苦詣採
編於前而後之士大夫豈可任其簡斷編殘缺陷於後
乎吾登縣志自前清乾隆年間纂修後久稱完壁無如
代遼年湮被鼠蠹之剝蝕遭兵燹之焚燬隨使當初原
板散失十頁有餘以致披覽是志者每撫卷而太息

幸

劉公耀東山左高密人也榮任我登政暇之餘披閱是
書見卷帙之損失遂決意而修補於是謀及縣紳
楊君逢甲王君士龍令其搜緝原書考核魯魚之似辨

別豕亥之訛又責成景君錫爵選棗栗監梓人使殘缺者
仍歸完全俾後世之人觀其所以爲志卽知其所以爲
政且使後之繼修者開卷瞭如指掌無事冥搜費心
是爲序

清邑庠生郝榮不甲

登封縣志敘錄

太常寺博士洪亮吉撰

陽城太室天地之中

帝行省方亦惟登封文曜列緯

恩洽耆童倣侯瑾漢皇德記等述

皇德第一

圖經旣亡輿地益晦爰復舊觀兼志山水倣隋志周輿圖記述輿圖第二

堙頽舊縣綸狂昔國故城東西亭部南北負黍在韓陽城有鐵倣晉朱育會稽土地記等述土地第三

名山嶷嶷大川是出神明以居龍蟠斯宅道元足徵遠

稽伯益傲齊劉澄宋初山川古今記等述山川第四

史遷遺法首紀大事三千餘年如掌可指傲漢司馬遷
等大事記述大事第五

東西南朔茲爲地中詳其道理輪楫以通傲隋西域道
里記等述道理第六

高山廣谷民氣亦淳力田孝悌以長子孫傲晉周處風
土記等述風土第七

巨石立廟圓星建壇三闕兀立表茲名山中天之祀歷
代益虔傲齊壇廟記等述壇廟第八

閒居法王歷歲二千乳峯陰陰少林在焉浮圖四出附
以宮觀雲母有壽金丹不完藉茲垂戒以警流傳傲晉

楊銜之洛陽伽藍記述伽藍第九

許由巢父歸藏可徵開母之石毗于禹陵倣宋李彤聖賢冢墓記述冢墓第十


令丞簿尉師儒有秩昔惟備官今乃兼職詳其等差以證今昔倣漢班固百官公卿表等述職官表第十一世需多士士貴通經茂才異等咸貢王庭倣唐選舉志宋選舉格等述選舉表第十二

漢戶三百以奉密高取今證昔有盈有耗倣宋元康六年戶口簿記述戶口第十三

征輸之簿前代所無農桑絲粟以迄市租冊籍可稽職于胥徒倣宋李常元祐會計簿述會計第十四

泮宮居前叢祠列後英英羣賢光我俎豆倣宋崇寧學校新法志等述學校第十五

才餘于官不廢嘯歌此如傳舍所閱既多倣宋無名氏衙署志述衙署第十六

臺測日景地名土中尺有五寸古法伊同金蠶集仙三陽之宮鄂坂之險輪蹄僅通倣  名勝志述名

勝第十七

中央之產服之宜年玉膏蓄艸山經列焉倣唐經藉志

地理類無名氏諸郡土俗物產記等述物產第十八

寵守潁川靖宰登封三闕表績一椽祀功後有良吏紹

茲賢蹤倣漢班固漢書循吏傳述循吏第十九

詩人所美生甫及申矯矯周鼎英英弟孫山川之氣
生偉人傲魏明帝海內先賢傳述先賢第二十

國有實錄里惟博史名區鬱鬱憬茲多士傲晉華僑
陵列士傳述列士第二十一

中壘列傳黃門哀詞彤管有煒百世之師傲漢劉向
列女傳述列女第二十二

逃形箕山洗耳潁水松風石泉其人斯在傲晉張顯
逸人傳述逸人第二十三

佛惟跋陀僧有初祖猶畱色相塵此淨土傲釋惠皎
高僧傳述高僧第二十四

凡茲文章首錄詔誥暉暉天章英英麗藻傲唐人麗藻

錄述麗藻第二十五

吉金樂石今世所傳鬱鬱三闕冠于中原後有歐趙貽
茲一編倣宋趙明誠金石錄述金石第二十六

原化抱朴劉根吳筠爰采逸說以廣舊聞倣後漢雜事
晉朝雜事等述雜錄第二十七

書之有序以紀本末盤盤一編必則古昔倣漢王符潛
夫論序錄等述序錄第二十八

登封縣志目錄

天常寺博士洪亮吉

同纂

登封縣知縣陸繼萼

皇德記第一

輿圖記第二

土地記第三

山川記第四

大事記第五

道理記第六

風土記第七

壇廟記第八

伽藍記第九

冢墓記第十

職官表第十一

選舉表第十二

戶口簿第十三

會計簿第十四

學校志第十五

衙署志第十六

名勝志第十七

物產志第十八

循吏傳第十九

先賢傳第二十

列士傳第二十一

列女傳第二十二

逸人傳第二十三

高僧傳第二十四

麗藻錄第二十五

金石錄第二十六

雜錄第二十七

序錄第二十八

1. 1870

2. 1871

3. 1872

4. 1873

5. 1874

6. 1875

7. 1876

8. 1877

9. 1878

10. 1879

太常寺博士洪亮

登封縣知縣陸繼

皇德記

崇禎庚午

巡祀中嶽

乾隆庚午

皇上御極十有五年大道咸淳至治無洽溥海內外
主悉臣如以年穀順成謳歌遍野乃修唐虞巡狩之
率幸臨幸達於侯甸修禮同律秩祀方岳山左山右
及嵩高秋八月之吉

鑿輿出都

肅命親王貝勒文武寮吏虎賁郎將雲移雷動臨於河
皇上軫念道途供應或至勞民

特下制免其租稅之半九月二十七日

鑿輿由孟縣渡河河伯効靈平無揚波片時登南臺
駐蹕孟津之郭二十八日由孟津道過洛陽渡洛水

駐蹕洛之南原二十九日

駕幸龍門登西山寶陽洞下臨伊水水衡舉魚

顧而樂之遂渡伊水東陟香山寺是晚

駐蹕李邨三十日辰刻

駕過緱山將屆轅轅先驅傳諭

高寬不警蹕俾接駕者咸得瞻仰勿庸俯伏邑中
庶雲集關內製彩亭香案肅侯迎

鑾闕在嵩少之間登邑西界也須臾

聖駕入關擁蓋乘馬

顧見士庶子來

大顏有喜以馬策指顧從臣髦老民婦各

賜白金一定羣呼

萬歲未刻至少林寺是時登邑稍旱酉刻雷起少室

雨沛然中夜而霑

車駕所臨恩膏隨至歡呼之聲遍於巖谷是晚

駐蹕少林

御製詩三章又

特製兩詩一章以志喜十月朔天晴日朗風和景明
駕自少林早發龍旂鸞章輝映林麓已刻過會善寺
御製詩一章少憇而出渡雙溪橋登岸幸唐碑前覽
碑頌下馬入嵩陽書院觀漢柏登藏書樓瞻眺峻極
柱諸峯徘徊良久

御製詩一章出乘馬徐行萬歲峯麓稱爲佳山將午
駕至中嶽廟扈從排

鑾儀太常奏樂

駕由遙參亭至天中閣外下馬入登峻極殿殿

聖祖仁皇帝御製嵩高峻極額得名也

香案行禮畢

三 雖行宮御製謝嶽廟詩二章初二日黎明致祭

四 岳嵩山之神鴻臚太常陳禮儀協律郎四十八人奏

樂司儀官贊引

五 上躬詣行三獻禮禮成

六 御製詩一章辰刻

七 樂與登嵩高峻極峯

八 題名鳳凰山壘石爲臺放鶴入雲際

九 御製詩一章以記登臨

十 回至黃蓋峯又放鹿鶴各三以彰

德被庶物主意未刻

壽山麓萬姓擁馬前瞻仰

皇上俯順輿情爲攬轡少停乃入

御營設宴請王大臣外凡經修祠宇道路之員咸得與
榮焉是日又

特下制謂登封爲望秩之所宜沛優施並辛未租賦概
免晚仍

御營初三日

太后

駕自少室西來

率侍從迎

豐陽書院午刻

后乘輦東行老幼婦女跪接者亦數千百人各
各資有差是晚

皇上率

皇太后駐驛御營營在中岳祠東門外

行宮在東門內

行殿崔巍兩相輝映諸王大臣分駐左右協贊萬幾儼
然帝闕

御製新月詩一章極稱景物之美初四日凌晨

皇上駕先行

皇太后

皇三相繼起泰東出景店蓋登封東界也與轅轅相距僅六十餘里彈丸小邑處萬山之中徒以名嶽在境得邀我

皇上翠華遙臨凡名勝之區遍

錫宸翰日麗天章山川增輝又

幕綸疊沛有加無已俾黃童野叟旣觀

天顏更沐

禮澤誠與唐虞巡祀方岳之隆先後同符而迥非漢唐
諸君玉符金簡遊覽玩物可比儼於萬一也是日

嘉興府審縣初五日

頒賜加恩上諭數道

御製各詩暨各廟祠額聯數十副茲謹舉登邑所得書
者恭紀於篇以昭千秋

益典焉

上諭三道

巡幸嵩洛加恩蠲免錢糧上諭

乾隆十五年

上諭朕巡幸嵩洛一切供頓皆動用正項絲毫不以累
民惟念安營除道未免有資民力直隸所經之地現已
降旨照例蠲除所有河南經過地方着加恩蠲免錢
糧十分之三該部卽遵諭辦理務使小民得沾實惠欽此

幸河南全免丁錢糧上諭

諭朕此次巡幸河南省方問俗所至推恩尤念祥符
爲省會之區登封實望秩之所靈輿駐蹕宜沛優施着
將該二縣乾隆辛未年應徵地丁錢糧全行蠲免俾愷
舞均沾以愜小民近光之願該部卽遵諭行欽此

幸河南優恤高年上諭

諭朕聞河南蠲租肆赦業經次第舉行而優恤高
年亦應一體加恩着督撫查明經過州縣內男婦年七
十以上者照前恩詔之例分別賞資欽此

詩十三首

詩作

林千載寺少空一房山禪悅偶重叩秋巖此乍攀樹
姿紛綺繡澗響越潺湲却見來時路轅轅雲外關

題面壁石

大地那非碧眼僧九年面壁却何曾宋雲道是逢葱嶺
五葉原教到慧能片石無端畱色相千秋不必考明徵
我非見布疑廣者畫取由他故事增

宿少林寺用唐沈佺期韻

明日瞻中嶽今宵宿少林心依六禪靜寺據萬山深樹
古風畱籟地靈夕作陰應教半巖雨發我夜窻吟

雨

正頓暮山蒼秋霖入夜長貫經曾塞北初值此嵩陽詎

立前塵淨端資潤麥香來朝林外路馬上試新涼
會善寺

外方多寶地淨域闢雲關自古山川秀遙看花樹殷到
來塵念息試坐禪冬閉紺宇怡神靜丹梯舉足攀龍池
噴德水雁閣禮華鬘太少無窮與於茲見一斑

嵩陽書院

書院嵩陽景最清石幢猶紀故宮名虛誇妙藥求方士
何似菁莪育俊英山色溪聲畱宿雨菊香竹韻喜新晴
初來豈得無言別漢柏陰中句偶成

漢柏行

我曾快讀杜甫詩千秋絕作嘆莫比嵩陽今見漢時柏

琴步吟懷不能已久與公孫並得名願川嵩岳遊人
願川馬鬣尙存無嵩岳龍身猶故爾世人安得如汝壽
休論二在一已燬是時雨後涼颼起瀏葢卉歛聲盈耳
金幢玉節舞其翩瑞鳳祥鸞集爰止柏下平鋪金粟紙
寫形要欲寫其理浮邱伯周王子風雨晦冥翺翔是倘
更逢之亦圖彼

嶽廟

正正堂堂地巍巍煥煥京到來瞻氣象果足慶平生
我長年願陳茲祈歲情忽聞鸞鶴韻疑有列仙迎

嶽廟秩祀禮成有述

明禋親舉備宮懸德並高峯峻極天秩視三公伊古重

尊五嶽匪今然會其有極神如在允建于中道豈偏
於蠻願陳心所願篤生巾甫佐蕃宣

登嵩山華蓋峯歌

高高峻極周雅談居中鎮東西朔南宇宙以來鮮比參
以巡秩祀駐緯繆殷禮薦事神人欣一登絕頂衆妙探
石澗丹藥求仙苗無事登封璽玉函侍臣告我初寒添
玄室黯黯凝雲嵐我笑謂之正所耽不宜返轡山靈慙
岬區與壤貴靜恬千乘萬騎紛奚堪策馬滅從遵路巉
六載所見真不凡二十四峯左右咸中爲華蓋尊且巖
融羅列如孫男不須縷指其名括少室三十六峯尖
首者都包含以河爲帶頰爲標爲唐爲宮復爲谿

崇案衍登沙溪萃嶽截巖壑峯嶽丹黃紫翠青
海兮并歛氣兮飽博大富有莫不兼幻以雲容技罕
英英靄靄瀚墨雲變遠爲近夷爲險黃山雲海歌德潛
不遇始且矜無鹽泰山昔亦陟巖巖引興未似今茲酣
來雙鶴其羽氄放去聊任王喬驂卓午躡景歸驂驥
迎老幼圍層岬警蹕不飭任就瞻尊親亦可民情規
禹歲者奚啻三

新月

雨琉璃潔入冬蝦蟇冷武帳冰夜窻豫天影遐嶺怡
在次寥流藻契虛靜可惜別嵩門未一攬清景

吳應枚圖嵩山華蓋峯仍疊前韻

景不能默於談昨來瞻嶽洛以南其峯造極慙靜
蓋之下停籠綠嶺我夙願引我快目所攬結興欲探
詎惟一壑與一壑維嶽與鎮都包函是宜絕詠詩囊添
向上問下鷲層嵐其呼萬歲奚足耽無德登封實可慙
不如校景取清怡石磴曲折路尚堪底須鑿鑿劣崩巖
下視羣峭知其凡金臺玉鏡積翠成鐵梁大小殊森嚴
焉云玉女不嫁男常有雲物供繡指高門待月纔眉尖
詎仙人宅萬古含大化冥合開胸襟如響應聲空谷唵
待臣廣韻艱餘窳磨崖擘窠大字嵌他年誰其青出藍
三便辟荔受青龍爾枚闕里歸程兼夏當詩畫藝兩覃
舉柱史及器其名教之中樂無險澗云月竊天心

天羹有味匪醢醢試走健筆爲雲巖鬼神入處氣益壯
兩行烟柳疏氍毹燕山趙水迎歸驂長歌還憶陟巖驪
題幘何異書崇岷攜歸溫室資吟瞻香光家法待更覘
是謂舉一乃得三

命董邦達圖嵩山華蓋峯再疊前韻

周禪瀛海逞辯談強分疆界朔與南蓮諸學上默以參
何須遍歷揚旂綠其間民物戚及快用懷康又時籌探
看方詎惟賞川雷口有深義於中函鼓舌底慮浮議添
秩祀嶽廟瞻遙風華蓋左右飛興耽竟不能登我實慙
山靈雲物意趣恬投我無報其奚堪仄徑追攀未覺巉
造極下視殊仙凡空谷有聲應速成剛柔合德均寬嚴

天矣時義稱少男盪胸決皆供吟拈無所假借翠峯尖
天中衆美已畢會百五十里敞神襟虛牝瀕洞氣長飈
養生博大宮修潔飛泉漱石玲瓏嵌幾曾點綴資精藍
道之猶覺齒頰齟齬枚小試霜毫兼亦云其可方已草
履之言佛必瞿曇是理易喻非奇險孰快爽與開幽潛
如恒河中投井鹽爾達素工爲雲巖定當技獲落筆酣
恣憲月影寒穆穆靜觀絕藝誰方驟使我興在驅馳驛
曰某層峯曰某巖一一聚米同親瞻陳迹俯仰頗懷覘
快哉長韻賡其三

御製匾額對聯

守嶽廟前殿

中土

集神庥陰陽式序

一臺垂福廕風雨以和

中嶽廟二層殿

神嶽崇嚴

世伊洛渥澗並效靈庥

長衡泰華恒永凝禔福

中嶽廟天仙宮

靈符萬寓

石室靈虛叅秘籙

云膏凝潤普元符

中嶽廟

行宮

勝萃三門

仙館揮絃調潁水

書巖琢句擷嵩雲

會善寺佛殿

靈鷲真如

一曲香泉應洗鉢

千峯花雨不沾衣

真善寺菩薩殿

紅燈水月

大地山河歸寶掌

甲天日月繞金輪

少林寺初祖殿

雪印心珠

少林寺三世祖佛殿

香岩雲梵

法域教三明慧通眼藏

昆標七淨妙滌心塵

林寺毘盧殿

山脚高提

山色溪聲涵靜照

言園樂樹繞靈臺

少林寺

行宮

秀絕崑雲

登峯何必全規李

築室無妨小似盧

少林寺達摩殿

最勝覺場

玉岫香雲開法界

珠林花雨靜禪心

乾隆四十八年

中嶽廟告成撫臣李世傑請碑記因疊庚午虔祀詩韻
命泐石

庚午

迴心每懸嵩雲南望德參

六卅年以久事宜作此日維新理合然

聖鎮中州崇莫並殿臨黃道正無偏敬吟長律當碑泐
希佑黔黎惠澤宣


封縣志卷一終

輿圖記

大常侍

登封縣知縣

一類寒全圖







大室

雙山

大

護國寺

護國寺

大城

大金

大邑

大峪山

半石山

八風

水雲

箭橋 大橋 橋




古城
氏城
陽




橋



甲里



無城圖



先農壇


八疇廟

古廟合利


馬廟

署縣

廣山




縣署圖




皇明縣志卷之二


文廟圖



中嶽廟圖



國院書陽嵩



太空圖



世世世世




少室圖






箕山圖





記



盧巖圖

盧巖



疊石溪圖





石淙圖




唐人侍
遊詩

少林寺圖



洞窟

會善寺圖



登封縣志卷三

太常寺博士洪亮吉

同纂

登封縣知縣陸繼萼

土地記一

唐虞陽城

史記顏師古注帝堯定巡狩之制周流五嶽遊于陽城

按陽城在縣東南三十里今爲告城鎮顧祖禹方輿紀要以禹避陽城爲今縣治誤

皇甫謐帝王世紀舜遷于負黍羅泌路史按少室一名黍室負黍城在其南左傳定公六年之負黍也杜

預注陽城西南有負黍亭今在登封

按負黍卽孟子所稱負夏聲相近而轉在少室山南
今爲大金店縣治西南三十餘里遺址尙存土人至
今呼爲城子

夏陽城

孟子禹避舜之子於陽城

竹書紀年夏道將興祝融降于崇山都于陽城

史記五帝本紀正義引魏王泰括地志禹居洛州陽
城者避商均非時久居也

又爲綸國狂國地

竹書紀年少康自綸歸于夏邑

春秋哀元年左傳伍員曰少康逃奔有虞虞思于是妻之以二姚而邑諸綸有田一成有衆一旅能布其德而兆其謀以收夏衆

括地志洛州綸縣本夏之綸國也在緱氏縣東南六十里

樂史太平寰宇記潁陽本夏綸國地

按夏之綸國當在今登封縣潁陽鎮惟魏王泰樂史所言爲不誤路史以綸爲今宋虞城之綸邑蓋因元和郡縣志故綸城在虞城縣東南三十五里左傳少康逃奔有虞虞妻以二姚而邑諸綸云云今考虞思

妻少康而邑諸綸綸當近潁陽城在禹郟城舊封之內

故得以收夏衆而戮篡賊固不必爲虞思邑也且春秋時已有綸氏之名漢後置縣或曰輪氏或曰綸氏輪綸古字通路史反以寰宇記爲誤非矣

又按史記秦攻韓緱氏蘭或曰蘭卽綸二邑蓋相近今考綸蘭音同據此則綸在陽城不在宋之虞城可知

山海經大苦山其陽狂水出焉

酈道元水經注狂水逕綸氏城羅泌路史狂夏后臣章律狂章後春秋時有狂氏宋大夫狂校是也

按路史所言不其可據又狂水之名說者以爲衆水皆東此水獨西故曰狂而此獨以爲國名說亦似鑿

緣齊志相沿已久姑仍之

周潁邑綸氏地

春秋昭元年左傳齊趙孟自鄭還周景王使劉定公勞趙孟於潁九年晉梁丙張趨率陰戎伐潁顧祖禹方輿紀要陽城本周之潁邑

竹書紀年楚吳得帥師及秦伐鄭歸綸氏

一統志春秋屬鄭戰國屬韓

秦爲陽城潁陽二縣地

史記陳涉世家陳勝者陽城人也司馬貞索隱列韋昭曰陽城屬潁川地理志屬汝南不同者按郡縣之名隨代分割蓋陽城舊屬汝南史遷云今爲汝陰後

又分隸潁川韋昭據以爲說故不同他皆放此

按韋昭說不誤潁川汝南二郡皆有陽城汝南郡陽城係侯國潁川郡陽城則今省入登封者也漢書地理志原注甚明小司馬不知有兩陽城而謂陽城本屬汝南後始分隸潁川立論可謂鹵莽矣

史記漢高祖本紀秦二世三年沛公南攻潁陽屠之因張良遂略韓地轅轅或潁注河南新鄭南至潁川南北皆韓地也以良累世韓故因之辭瓚曰轅轅險道名

按陽城潁陽二地秦時皆已作縣不始于漢舊志皆未明晰今表出之轅轅道今亦屬登封

又按秦迄晉之潁陽城非今之所謂潁陽鎮也今潁陽鎮乃後魏移置之潁陽爲古綸氏地尙在潁水西三十里外安得曰潁陽秦迄晉所謂潁陽者據說嵩度清烟橫而南左襟少陽溪右肘嶺家河潁水橫帶其前土田腴茂平疇夷廓小金店西有古城遺址是已其地在今縣治西南二十五里

西漢初仍秦舊

漢書地理志潁陽屬潁川郡應劭注在潁水之陽陽城亦屬潁川郡原注有陽城山洧水所出東南至長平入潁過郡三行五百里陽乾山潁水所出東至下蔡入淮過郡二行千五百里荊州甯有鐵官

史記漢高祖本紀漢二年漢王使韓襄王孫信急擊韓王鄭昌于陽城昌降

武帝又置密高縣

漢書地理志潁川郡密高注武帝置以奉太室山是爲中岳有太室少室山廟古文以密高爲外方山也按名勝志潁水又東過東谿縣漢武帝置以奉太室山俗謂之崧陽城今考地理志無東谿縣名勝志蓋誤讀水經注也水經注曰五渡水導源崇高縣東北太室東谿縣漢武帝置以奉太室山俗謂之崧陽城本文以東谿絕句謂五渡水導源崇高東北太室東谿也又注縣所起而曰縣漢武帝置以奉太室山名

懸志誤以縣字截句遂生東谿縣之誤
南府志誤而尙列入漢都邑內亦非

後漢初密高縣

續漢書郡國志潁陽陽城無崇高縣

郡國志凡前志有縣者今志不載者皆世祖時所并省也

按郡國志陽城有嵩高山據此則密高縣省入陽城也

章帝建初四年置輪氏縣

續漢書郡國志潁川郡輪氏縣建初四年置

按前漢潁川郡亦有輪氏縣而此云建初四年置未知何故豈世祖時綸氏縣省至章帝時復置耶舊志

于後漢始載輪氏今姑仍之綸輪古字通

三國時屬魏爲陽城綸氏二縣地

洪亮吉補三國疆域志魏司州河南尹領陽城豫州
潁川郡領綸氏潁陽縣省

晉陽城縣屬河南郡潁陽輪氏俱省

太平御覽引晉太康三年地記河南陽城縣是爲土
中夏至之景尺有五寸所以爲候

晉書地理志河南郡陽城有郟阪關此邑是爲地中
夏至景尺五寸有陽城山箕山許由墓在焉

魏書地形志陽城晉屬河南後罷

東晉省陽城縣入緱氏

洪亮吉東晉書地理志河南郡緱氏有鄂嶺坂

按晉書地理志鄂坂關在陽城晉末河南郡無陽城縣元和郡縣志于緱氏縣下載此關則陽城後并入緱氏也

十六國時陽城又屬前後趙及前後燕前後秦

郭璞山海經注今潁水出河南陽城縣陽乾山

晉書前趙載記劉雅等進攻洛陽趙固奔陽城山

後趙載記冉閔之亂劉國據陽城

後燕載記慕容農略地河內攻廩邱陽城皆克之

後秦載記檀道濟至洛陽陽城成皋滎陽武牢諸城

皆降晉

洪亮吉十六國疆域志陽城劉石符姚慕容皆屬河南郡

宋陽城縣僑治襄陽

宋書州郡志河南太守僑立始治襄陽孝武大明中分河北爲境永初郡國及何志並又有陽城縣氏縣徐無此二縣

按云徐無此二縣則僑縣後亦省可知

後魏置陽城郡領陽城潁陽康城三縣又置中川郡領潁陽潁陽二縣又改潁陽爲臨武

魏書地形志孝昌二年置陽城郡領陽城潁陽康城

三縣康城孝昌三年分陽城置天平初又置中川郡

領堙陽潁陽二縣堙陽太和十三年分潁陽置潁陽
天安二年置

杜祐通典潁陽漢綸氏縣地後魏改曰臨武大唐復
改之元和郡縣志後魏太和中于綸氏縣城置潁陽
縣屬河南郡又分潁陽置堙陽縣又云後魏置陽城
郡屬司州

後周廢潁陽入堙陽又廢中川郡

隋書地理志後魏置曰潁陽東魏分置堙陽後周廢
潁陽入又中川郡後周廢

隋開皇初廢陽城郡改堙陽曰武林又改曰綸氏又改
曰嵩陽初屬嵩州後州廢並屬河南郡又康城縣廢入

陽城

隋書地理志後魏置陽城郡開皇初廢十六年置嵩州仁壽四年廢又後魏置康城縣仁壽四年廢入焉又云堙陽開皇六年改曰武林十八年改曰輪氏大業元年改曰嵩陽與陽城縣並屬河南郡

唐初以陽城嵩陽陽翟置嵩州又置康城縣貞觀三年州廢省康城十七年省嵩陽入陽城後復置嵩陽萬歲登封元年始更名登封又改陽城曰告成載初元年復析置武林縣後改曰潁陽與登封陽城三縣並屬河南郡

舊唐書地理志告成隋陽城縣武德四年割陽城嵩

陽陽翟置康城縣又置嵩州治陽城貞觀元年割陽
翟隸許州三年省嵩州及康城縣以陽城嵩陽屬洛
州登封元年將有事嵩山改爲告成縣一登封隋嵩
陽縣貞觀十七年省永淳元年七月復置二年又廢
光宅元年又置登封元年十二月改爲登封縣神龍
元年二月改爲嵩陽二年十一月復爲登封 潁陽
載初元年析河南伊闕嵩陽三縣置武林縣開元十
五年改爲潁陽

新唐書陽城畿武德四年王世充僞令王雄來降以
陽城嵩陽陽翟三縣置嵩州又析三縣地置康城縣
貞觀三年州廢省康城嵩陽登封元年將封嵩山改

陽城曰告成神龍元年復故名二年復爲告成天祐
二年更名陽邑有測景臺開元十一年詔太史監南
宮說刻石表焉 登封畿本嵩陽貞觀十七年省入
陽城永淳元年營奉天宮分陽城緱氏復置二年省
光宅元年復置萬歲登封元年更名神龍元年曰嵩
陽二年復曰登封嵩山有中岳祠有少室山有三陽
宮聖歷三年置 潁陽畿本武林載初元年析河南
伊闕嵩陽置開元十五年更名西北有大谷故關倚
箔山有鍾乳貞觀七年采

五代時登封屬汴州陽邑縣省

一統志五代周時省陽邑人登封

河南府志宋史無陽邑縣蓋廢于五代時也

宋乾德元年省望陵縣入登封慶歷中又省潁陽縣元祐二年復置凡潁陽登封二縣屬河南府

元豐九域志乾德元年省望陵縣入登封慶歷三年又省潁陽縣爲鎮惟登封一縣屬西京河南府河南郡在京東南一百三十里二鄉潁陽曲河費莊三鎮宋史地理志潁陽登封二縣屬河南府洛陽郡

舊志潁陽慶歷二年廢爲鎮四年復熙寧三年省入登封元祐二年復置並屬河南府

按河南府志亦同九域志無潁陽縣則據元豐時而言惟九域志言慶歷三年廢潁陽爲鎮而府志及舊

志皆云在二年疑當以九域志爲是也

金省潁陽入登封屬金昌府

金史地理志河南府興定元年八月升爲中京府曰金昌登封縣焉舊有潁陽鎮後廢

舊志金省潁陽入登封

元登封屬河南府路

元史地理志登封爲下縣中岳嵩山在焉屬河南府路

明屬河南府

明史地理志登封縣屬河南府

明一統志登封縣在河南府城東一百四十里

國朝因之

一統志登封縣屬河南府編戶四十四里

登封縣志卷三終

登封縣志卷四

太常寺博士洪亮吉

同纂

登封縣知縣陸繼夢

土地記二

故城二十四可考者十八

古陽城

河南府志陽城在縣東南三十里爲告成鎮

舊志陽城卽古告成史記帝堯定巡狩之制周流五

嶽遊于陽城孟子云禹避舜之子於陽城

言負黍城

帝王世紀舜遷于負黍羅泌路史少室一曰黍室負

豸城在其南

漢馮衍顯志賦遇許由于負豸

按敬通賦云許由隱此豈負豸卽黃城歟而負豸西
又別有黃城詳在下

古黃城

雜道書漢聘許由壇墀也謂之黃城

路史黃城許由隱此

按說嵩以黃城卽今縣治西五十里之黃城溝城址
狺稀尙存直馬鞍山南

古郟城

古郟城在縣東南二十八里古郟城縣也路史

云是城爲南部太原爲冀鄩

按登封陽城唐萬歲登封初改曰告成謂登封太室告成功也名勝志據路史以爲古鄩城告加邑成加城告成功之意已非似屬附會今存其名而論辨之仍存告成名于陽城縣下

周潁邑故城

顧祖禹方輿紀要陽城本周之潁邑左傳昭元年晉趙孟自鄭還周景王使劉定公勞趙孟于潁九年晉梁丙張趯率陰戎伐潁

秦陽城縣故城

方輿紀要秦陽城縣陳勝陽城人也二世三年沛公

自洛陽東還至陽城漢二年漢王使韓襄王孫信急擊韓王鄭昌于陽城昌降漢置縣屬潁川郡東漢永平六年幸陽城初平二年袁術表孫堅領豫州刺史屯陽城堅擊昂走之晉仍爲陽城縣屬河南郡義熙十二年劉裕伐秦使新野太守朱超石等趣陽城後魏亦曰陽城縣孝昌二年置陽城郡隋開皇初郡廢十六年置蒿州于此仁壽四年州廢大業初屬河南郡唐初仍置蒿州貞觀三年州省縣仍屬洛州登封初改曰告成縣神龍初復曰陽城旋復曰告成五代周顯德五年省入登封

史記秦二世三年沛公南攻潁陽屠之

方輿紀要本秦邑漢置潁陽縣屬潁川郡章帝封祭
遵爲潁陽侯又封馬防爲侯邑建初八年幸潁陽
也晉省

漢散國城

漢書景武昭宣元成功臣表第五元狩六年散侯董
舍吾以匈奴都尉降侯千一百戶在陽城

路史散國城武帝封

按漢書地理志陽城有三濟陰陽城汝南陽城與潁
川陽城路史何以知散爲潁川陽城也蓋他陽城封
國則繫以陽城某地而散則但曰陽城或路史以此

知爲潁川陽城耳姑仍河南府志附錄于此

漢陽城縣故城

史記夏本紀正義陽城縣在箕山北十三里

漢潁陽縣故城

應劭曰在潁水之陽

元和郡縣志古綸氏縣本夏之綸國也少康之邑在焉漢屬潁川郡

一統志在登封縣西南八十里夏綸國漢置縣屬潁

川郡

按漢城卽承秦之舊不改已見上

漢高縣故城

方輿紀要西漢置密高縣東漢省入陽城東魏又于
縣置中川郡後周郡廢大業初曰嵩陽王世充置嵩
州于此唐初因之貞觀中州廢登封元年改今名神
龍初復曰嵩陽旋復故屬河南府

河南府志密高中川嵩陽嵩州皆今登封縣然非今
城其地在今登封縣治西北尚有古城遺址

舊志在縣西北里許相傳漢密高縣舊址猶存

漢綸氏縣故城

後漢書注故城在今洛州洛陽縣城西南

杜祐通典故城在今洛州告成縣西南

魏康邑城今屬禹州距縣三十餘里

水經注潁水又東出陽城關歷康城南魏明帝封尙書右僕射衛臻爲康鄉侯此卽臻封邑也

後魏陽城郡故城

魏書地形志洛州陽城郡治陽城

按此則魏陽城郡城卽漢陽城縣城在箕山北十三里者是也

後魏潁陽城

魏書地形志中川郡領縣潁陽天安二年置

河南府志按魏獻文帝天安間始于綸氏城置潁陽縣夫潁陽縣之于東西漢三國魏所從來久不自魏始也曰始置則舊潁陽固不在此

按此則魏潁陽城卽漢綸氏縣城可知

後魏堙陽縣故城

魏書地形志中川郡領縣堙陽太和十三年分潁陽置

水經注湮水又西南逕湮陽亭東蓋藉水以名亭也又東南流入于狂狂水又西逕湮陽城南

河南府志堙陽城在今潁陽鎮西

後魏康城縣故城

魏書地形志陽城郡領縣康城孝昌中分陽城置有

陽城關箕山許由隱窟

方輿紀要康城廢縣在故陽城南

後魏中川郡故城

按地形志中川郡治堙陽則堙陽城當中川郡城也
後魏當階城

水經注狂水逕涇陽城南又西逕當階城南
方輿紀要當階城在涇陽西或曰後魏所置

按當階魏志所無故紀要言或以疑之

隋武林縣故城

水經注涇水出涇谷西南流逕武林亭東北又屈逕
其亭南

隋書地理志開皇六年改潁陽爲武林十八年改曰

綸氏

按武林之名見于水經注是後魏時已有武林矣後
地形志不錄至隋書地理志始有之蓋魏時但有亭
至隋乃縣之耳又隋改潁陽爲武林潁陽卽故綸氏
故又改綸氏

唐嵩州故城

按新舊唐書志並云武德四年割陽城陽城縣城當卽嵩州城
縣置嵩州則嵩州當治陽城陽城縣城當卽嵩州城
也

唐嵩陽縣故城

按唐書地理志萬歲登封元年改嵩陽曰登封則今
登封縣城卽嵩陽故城可知

唐告成縣故城

舊志告成鎮在縣東南三十里卽唐告成縣故址

唐洧源縣故城

唐書地理志武德三年置蜜州並置洧源縣四年州

廢省洧源縣

河南府志洧源縣在今登封縣東界上大冶鎮

今縣城一

河南府志登封縣城始築未詳周圍不滿三里高一

丈五尺廣如之池深八尺濶一丈明景泰元年布政

使豐慶以南城逼于學宮拓而大之凡百餘步正德

九年知縣李居仁重修萬歷三十九年知縣傅梅依

故雉易以堅覺計六百四十九丈起四門樓立四角
亭闕四門而高之東曰春雨南曰黃離西曰鴻澤北
曰萬歲北樓崇正十四年毀于流寇知縣鄒廷誨死
之是年知縣劉禔修葺十六年復毀于寇知縣劉禔
死之

國朝順治三年知縣高岫五年知縣張朝瑞相繼修
葺乾隆九年知縣施奕簪重修復浚池廣一丈五尺
深一丈乾隆二十七年知縣邱戩重修

舊志登封城在嵩山南不滿三里明景泰間布政使
豐慶廓南城而大之嗣後歷代增修

國朝康熙中春雨鴻澤萬歲門俱圯乾隆癸亥甲子

知縣施奕簪重建

明知縣傅梅修城記竊惟治邑猶治家然令之視邑猶家主自視其家然夫苟以家視邑則中心圖之度其緩急擇其便利計其昌大久遠何俟人之督責知雖不及必將至焉不然則是寓公而代爲理者耳彼且逆旅其身彼且傳舍其位日居月諸庶幾有代代者吾事畢矣容容以自逸嘔嘔以見德此世所稱智人也非吾之所能及也予自丁未冬承乏是邑歷屨藁砵磷之途以入望其城則斷墉頽塹歆傾湫隘不可以舉目矣泄其堂則人吏偃蹇文書沈闕郡符督促未應者尙二百餘事問其俗則鄙野無教惟正弗

供琴不逞，依兇山谷，自誓殺越人，百姓惻然。至上不
敢誦言，誅之。予喟然太息曰：邑有列弊若斯者哉！已
而自念生平期許正在于此，乃吾躊躇曰：額口矣。嘗
聞理亂髮者必自其末，夙興夜寐，先綜簿書而勘較
之時，延見耆舊，問所便苦，次第而致之。民每每食忘
北，寢忘枕，頭目岑岑，不少休會。上官督責，賊曹甚急，
乃發兵四出，徼天之靈，羣盜投首，諸緒亦稍稍就天。
未厭禍而旱魃起矣，饑饉洊至，則又衝風冒露，日就
暑，蔀間省殘民而噢咻之，與餒同悲，與凍同泣，方是
時也，解腕而口毒，遑恤城之惡哉！庚戌始獲，大有乃
淫雨壞民間廬舍，相望城復于隍，且過半矣。西成既

畢邑中諸大夫暨諸弟子員造而請城子應之曰不
時諸大夫曰龍見戒事火見致用水昏正而裁何謂
不時予曰非是之謂也前年興大獄烏獸駭呼予至
今心悸寇平而無歲流亡徧野幾至暴骨今年雖幸
稍稔瘡痍未起呻吟未息所謂不利時也時謂舉贏
其奈之何諸大夫曰否否是保障也二百里幅輳五
萬戶口日憂堂與之顛惟不虞之是戒民之望是役
也久矣今公滿一考而暫留民亦過再歉而在豐百
年一時容可失乎予唯唯度之上下知民可使也乃

請于臺舉帑羨三百六十緡于今年人日卽城四隅

開十六窯鳩集陶人一月得磚二十萬伐石于山采

水于林召遊于野徵夫于保量工稱廩布令程勤于
二朔朔日分以植而齊舉之予朝夕巡行勞其勤者
振其惰者六十日而工畢是爲三月晦不愆于素也
計所創作者爲堞一千有二舊者拾溝中散石如鉢
如盎者糞之耳今悉易以磚矣計六百四十九丈有
奇闕舊門而高之東曰春雨南曰黃離西曰鴻澤北
曰萬歲撤舊屋而樓之東曰考辰南曰大觀西曰寶
戒北曰天咫始皆鋤以佳名又四方建四堡四隅起
四亭城之外築石隄一千二百四十九步以衛城足其
他補闕易腐之工不復紀焉城旣成諸父老遂請于
諸大夫而書予言于石

登封縣志卷四終

登封縣志卷五

太常寺博士洪亮吉

同纂

登封縣知縣陸繼夢

土地記

周鐵聚

續漢書郡國志陽城有鐵聚

顧祖禹方輿紀要鐵聚在登封南史記鄭聲公八年
晉伐鄭敗我師於鐵聚也

按括地志鐵州在滑州衛南縣東南十五里正義引
之以釋鄭聲公八年之鐵今考杜預注左傳亦曰成
城南鄭邱而顧祖禹以爲晉取鄭師之鐵在登封東

知何據今姑仍河南府志采入而附記于此

周負黍聚

史記周本紀秦取韓陽城負黍蘇廣曰陽城有負黍聚

史記鄭世家繻公十六年鄭伐韓敗韓兵于負黍陸廣曰在陽城

續漢書郡國志陽城有負黍聚

括地志負黍亭在洛州陽城縣西南二十五里故國邑也

漢陽亭部

按見漢太室石闕當屬陽城縣屬之亭也

漢萬歲亭萬歲里

西征記萬歲亭漢武帝元豐元年建有上中下萬歲里

河南通志在登封縣東北漢武帝元豐元年登太室
闕山呼萬歲者三因以名亭

唐楊炯少姨廟碑序餘基隱嶙仍知萬歲之亭古木
摧殘尙辨三花之樹

古涇陽亭

水經注涇水又西南逕涇陽亭東蓋藉水以名亭也
又東南流入于狂狂水又西逕涇陽城南

按涇陽武林後魏皆爲縣蓋鄉亭之大者疑漢晉以

來之舊名也

古武林亭

水經注湮水出湮谷西南流逕武林亭東北又屈逕其亭南

按漢制十里一亭亭有長及求盜自漢至魏邨聚之大者皆以亭名自唐以後始借爲亭臺之亭故自唐縣率亭以下列入名勝志名從其實也

後周潁陽鎮

河南通志後周廢潁陽縣爲鎮

唐長官砦

說嵩長官砦在御路東山之半唐合應靖在

築兵保于此砦之下爲團諭谷亦以團練守禦得名也世訛爲團魚非矣

宋登封縣二鄉

太平寰宇記府東南一百三十里元二鄉

元豐九域志同

宋潁陽縣一鄉

太平寰宇記府東北九十里元一鄉

宋登封縣潁陽曲河費莊三鎮

元豐九域志登封領潁陽曲河費莊三鎮

宋金店鎮

宋謝絳遊嵩山寄梅殿丞書出登封西門趨潁陽宿

金店

按此則金店鎮宋時已有故列入

金御砦

金史地理志登封有少室山宣宗置御砦其上

說高金史宣宗屯兵于少室山今稱御砦堰西溝爲
塘以蓄水名水匱石砌鎔結蓄瀦不露資千萬汲不
竭也

金潁陽鎮

金史地理志登封舊有潁陽鎮後廢

金醴泉鄉

元遺山集興福禪院在登封縣醴泉鄉之西保

金告成邨

癸辛雜錄金貞和初登封告成邨有一物出沒不常
形如獸

元盧店鎮

說嵩元少中大夫懷孟路總管從戎有功墓在盧店
西原

按盧店鎮蓋元時已有

明洪武初舊額四十四里

舊志云失考

萬歷間改三十六里

大寧保

舊志卽中嶽廟所建之處附近諸鄉有天中街新店
焦河五渡

磨莊一里 二里

舊志在縣東北二十五里附近諸鄉有馬跑郵馬蹄
溝玉臺麻河龍池

盧店一里 二里

舊志在縣東二十里附有花園角五司郵分水嶺景
店

劉碑郵一里 二里

舊志在縣東南四十里附有二溝洞頭曹郵馬峪石

羊園

大冶保

舊志在縣東五十里附有沁水鴻河東施邨西施邨
小冶邨娘子臺

崇德保

舊志在大冶保正南八里附有神仙坡雁翎費莊
主

廟莊保

舊志在崇德保正西十五里附有水峪虎牌領濼瀆
口石門溝舜王廟

說嵩舜王廟在五渡紙坊邨廟不詳所始祀神冕旒
正笏爲虞帝之像而土人相傳訛爲周順王曰神之

塑得于谿泛時飄流來者因廟祀焉殊不可解

按說嵩所云舜王廟當卽廟莊保附近者里名蓋因廟而得今廟已久圯故府志及舊縣志皆不錄今故附記于此

曲河一里 二里

舊志在廟莊保西北十里附有煙莊格子溝告成鎮竹園界頭范店八坊

高馬保

舊志在縣東南十八里附有碑子白栗坪背陰坡庫莊券門牛欄南店

說嵩高禰廟在縣南高馬邨西嶺上民間以春孟清

明禱祀傳其靈爽高馬疑高禱訛也

按高禱廟今亦圯故壇廟志不錄

寺莊保

舊志在縣正南二十里附有二郎溝紅花溝駱駝苑
雙圭嘴沙園

金店一里 二里 三里

舊志在縣南二十五里附有小金店孤竹坡海鷹黃
沙嶺蹬槽花門書堂破磴坡念子莊

土上保

舊志在金店正西十里附有后河太后廟楮河孩兒
溝

石道一里 二里

舊志在縣西南四十里附有水神里翟峪溝金星廟
送表三教堂竹園黑峪溝

胥店保

舊志在縣西五十五里附有海子柳夾山核桃園板
柳

柳東一里 二里 三里 四里

舊志在胥店保西北八里附有子推廟官莊水磨灣
竹園溝黃城溝柳巷

柳東一里 二里

舊志在柳東保正西十二里附近諸鄉有潁陽鎮

里頭凹裏風門山接仙廟潭臺

榆西一里 二里

舊志在榆東保正西十里附有江左河院莊石門

呂店一里 二里 三里

舊志在榆西保西北十二里附近諸鄉有丁流社

溝椿樹莊油房溝

坊廡保

舊志在縣城周圍附近諸鄉有石場斗溝沙溝河觀

音頭耿家莊

廡店保

舊志在縣城西二十里二室之界附近諸鄉有夏店

河水牛屯邢家鋪

在城一里 二里

舊志附玉皇廟鄧家莊王家莊嵩陽宮

國朝歸併十里

大唐里

河南府志隸唐莊天中街新店馬跑邨焦河玉臺五
度韓家邨子家邨楊莊馬河磨兒溝

一按此下舊縣志並同

盧劉里

河南府志隸盧店景店劉碑東西施邨崔家岡五司

湖頭莊頭史家溝柿行山溝

大冶里

河南府志隸大冶薄稅溝香山寨弋家灣吳家莊鍾家樓岳家樓沁水景家灣娘子臺

曲高里

河南府志隸告成曲河蔣莊費莊廟莊馬峪烟莊八方竹園水峪石羊關玉溪

金店里

河南府志隸大金店寺莊安家廟顧家河界頭駱駝苑袁家邨油房頭龍尾溝

王石里

河南府志隸王上砦崔家樓後河送表段家邨椿樹

莊石道海子李家灣栗家砦翟峪溝

余柳里

河南府志隸潁陽錢家嶺胥店霹靂響水潭常家砦
柳港郭家嶺范家堂

余西里

河南府志隸江左河段家邨嘴兒王家邨魏王家砦
半坡邨溫家邨孫家邨晉家莊

呂店里

河南府志隸丁流溫家溝九凹王邨菜園呂店于家
集陽家溝葉家砦黃龍廟

在城保

河南府志隸城內東西關邢家鋪耿家莊南店
范店高核桃園高家莊玉皇廟

國朝八鎮店

潁陽鎮

舊志在縣西南七十里卽後魏潁陽縣舊址

告成鎮

舊志在縣東二十里卽唐告成縣故址

盧店鎮

舊志在縣東二十里卽唐徵君盧鴻一故里

下流鎮

舊志在縣西一百里

金店鎮

舊志在縣南二十五里

糖莊鎮

舊志在縣東北二十五里

大冶街

舊志在縣東南五十里

王北砦

舊志在縣西南二十五里

登封縣志卷五終

登封縣志卷六

太常寺博士洪亮吉

同纂

登封縣知縣陸繼華

山川記上

嵩嶽之首北抵偃登界爲大誓山一名陽乾山

山海經大誓之山多瑇瑁之玉多麋玉有草焉其狀
葉如榆方莖而蒼傷其名曰牛傷其根蒼文服者不
厥可以禦兵其陽狂水出焉西南流注於伊水

水經注狂水東出陽城之大誓口西逕阜高山北

又云右潁出陽乾山之潁谷

新修府志水經注謂狂水出大誓口潁水出陽乾山

潁谷皆在大誓山陽知陽乾卽大誓也今本山海經
誤移大誓在半石山西以水經注正之當爲半石山
東五十七里曰大誓之山大誓山東五十里曰少室
之山在道元時猶未倒置故注記大誓口在東半石
來需在西也大誓凡三峰中峰端正方廣而凹腦東
西兩峰尖削拱峙自分水嶺北望其狀如斯若自偃
師南望中峰與東峰若駿馬交馳而東峰又絕類馬
鞍遂名馬鞍山出伊闕口東望大誓西峰其尖削者
又南北橫若倚薄然卽注所謂倚薄山其實馬鞍倚
薄皆大誓山今但標中峰爲大誓而馬鞍倚薄得名
已久仍別出之

大誓西爲倚薄山

水經注狂水逕綸氏故城南左與倚薄山水合

唐書地理志潁陽倚箔山有鍾乳貞觀七年采

宋馬純倚箔山錄河南潁陽北十五里曰倚箔山

李通志倚箔山在登封西七十里一名天箔山望如

立箔

新府志後魏置潁陽城卽綸氏故城今名潁陽鎮在
狂水陽不在潁水陽乃移置也

又西北爲石堂山

宋謝絳袖清洞書由潁陽北門訪石堂山紫雲洞卽
邢和璞著書之所山徑極險峭竊而上七八里上有

大洞陰數韻水泉出焉峭壁有若四字云神清之洞
體法雄妙蓋薛老峰之北諸君疑古言鮮自成文又
意造化者筆為問道士及近民皆曰向無此異不知
也

歐陽永叔詩四字丹書萬仞厓神清之洞鎖樓臺

倚箔山錄山有洞若三間屋大洞中潭水深不可測
人或瀆多致雷雨之異時有笙簫聞於邑中移時乃
止蓋龍吟也或云歐公見神清洞處紫雲傍山若倚
箔然故得名山頂有石盤側傾向日謂之快活窠那
和璞築星處

李通志石堂山在登封西七十里山半有洞春夏有

紫雲飛騰名紫雲洞

新府志石堂山俗呼方山與倚箔相連倚箔山錄乃合石堂山洞紀之故節取其文入石堂下

又西爲八風山

水經注八風溪水出八風山南流逕綸氏城西南入於狂

新府志八風山俗呼八風門山南爲金山堆東南下爲綸氏城西南一峰有二風寺下爲八風谿

又西北爲半石山一名西安山

山海經半石之山其上有草焉生而秀其高丈餘其葉赤華華而不實其色白嘉榮服之者不羸來需之

水出於其陽西流注於伊水合水出於其陰北流注於洛

水經注來需之水出於半石山謂之小狂水伊水合注

水南出半石之山北逕合水塢東北流注於公路澗

洛水注

李通志萬安山一名石林山馬融廣成苑賦金門石

林殷起乎其中

舊志半石山在大石山東稍卑於大石故曰半石羣

峰攢秀可十餘數其西南一峰俗呼老君廟山來需

之水出焉東北有石林峰牛心山青蘿山皆半石也

青蘿爲合水所出在半石陰

半石東北爲半石東山一名東萬安山

水經注劉水出半石東山西北流注於合水

新府志半石東山俗呼董望山董望者東萬安之合
轉也亦名西九龍山繞石堂大砦之北東對東九龍
山劉水出焉俗名口子西九龍北下爲隋緱氏舊治
卽古劉子邑劉水合水交於西北西九龍又名百坯
山見後漢書注

大砦東爲大穴山

在偃師鏡

大穴南爲當陽山一名少

室通阜

水經注中潁水導源少室通阜

舊志當陽山在馬鞍山東南香鑪山西南其山正而

峻

大穴東爲少室山

山海經少室之山百草木成園其上有木焉名曰帝
休葉狀如楊其枝五衢黃華黑實服者不怒其上多
玉其下多鐵休水出焉而北流注於洛郭璞注陽城
西少室一名季室山山巔有白玉膏服之得仙

漢書地理志密高有八室少室山廟

後漢書郡國志注馮敞通賦遇許由於負黍山也

戴延之西征記嵩山七衆曰太室西曰少室相去十七
里嵩其總名也謂之三至者以其下各有石室焉少室
高八百六十五丈上四方十里與太室相埒但小耳就山

中視之太室爲高出山則少室巋然矣

劉根別傳武帝登少室見女子以九節杖仰視日闇
左目開右目氣且絕乃蘇東方朔曰婦人食日精者
李白集予訪道少室盡登三十六峰少室上有四天
門三門猶可攀掖獨西天門缺處望之一鐵榜宿儼
然玲瓏竟不可踐其處似羣仙所往還也

輿地志少室從東角上四十里得下定思又上十里
得上定思十里中有大石門爲中定思自中定思而
出至崖頭下有石室中有水多白石英內有自然經
書自然飲食

謝絳遊嵩記出登封西門道潁陽觀少室之美非由

茲路則不能盡邑人謂之冠子山正得其狀

嵩書少室三十六峰詳樓異賦朝嶽望洛太陽少陽
石城石笋檀香丹砂鉢孟香爐連天紫霄羅漢七佛
靈隱來仙清涼寶勝瑞應瓊壁紫蓋翠華藥堂紫微
白道天德卓劍白雲金牛明月凝碧迎霞玉華寶祥
繫馬白鹿凡三十六

新府志登少室者由東北過三定思入東天門上絕
頂俗呼御砦蓋金宣宗嘗屯兵其上也自少室頂旁
矚六六峰羅列東南西三面歷歷可數最東先得朝
霞者曰迎霞東拱嶽祠者曰朝嶽兩峰相次大者曰
太陽小者曰陽道太陽西曰明一南最高者曰

連天次曰紫霄石天然成帝字者曰天德產檀香丹
砂者曰檀香曰丹砂再南則產玉膏者曰玉華豐藥
草者曰藥堂上有白道人洞者曰白道凡十有三峰
君少室頂東最東南形如牛臥者曰金牛直南高臺
如柱者曰寶柱卓立如劍者曰卓劍在清涼寶勝多
上者曰清涼曰寶勝多紫微花者曰紫微烟靄中若儀
衛者曰紫蓋曰翠華石色如玉者曰瓊壁如碧綠者曰
鬢碧曾有神人見其上者曰端應凡土有一峰居少室
頂南遙西高可望洛京者曰望洛方如城立如笮者曰
石城曰石筭狀如香爐者曰香爐爐耳若馬楯者曰鑿
馬西北小圓峰上有二祖庵者曰鉢孟近鉢孟取形

似者曰七佛曰羅漢近香爐多仙靈者曰靈隱曰來
仙曾獲白鹿於峰上者曰白鹿時出白雲異於他峰
者曰白雲凡十有二峰居少室頂西少室北少林寺
後有五乳峰東接轅轅不在六六峰之數

少室東北界鞏縣登封爲轅轅山

明史地理志鞏縣西南有轅轅山上有關

方輿紀要轅轅山在鞏縣西南九十里其坂有十二
曲將去復還故名左傳襄二十一年晉欒盈奔楚過
周王使候出諸轅轅孔穎達曰轅轅山在緱氏縣東
南三十里道路險阨自古爲控守處

舊志一名崑嶺俗稱崑嶺口在太室之西少室之北

管子地員篇轅轅之險房元節注曰謂路形若轅而
又轅曲緜氏東南轅轅道是也關駟十三州志曰轅
轅道凡十二曲唐高宗如嵩山鑿石開廣宋知縣馬
仲甫憫道險阨僱民鑿平爲坦途其上置關曰轅轅
關則東漢何進所置八關之一也

新府志轅轅道東有君子山在二室間皆轅轅山也
故不別立

轅轅東南爲泰室山是爲中嶽嵩高

山海經少室東曰泰室之山其上有木焉葉狀如梨
而赤理其名曰栢木服者不如有草焉其狀如茱白
華黑實澤如蓼實其名曰藟草服之不昧上多美石

郭璞讀嵩維嶽宗華岱恒衡氣通元漠神洞幽明巍然中立衆山之英

爾雅嵩高爲中嶽注太室也

白虎通中央之嶽獨加高字者何中央居四方之中可高故曰嵩高

漢書地理志嵩高武帝置以奉太室山是爲中嶽古文以崇高爲外方山也密古崇字

史記天下名山八入中國者五一日太室黃帝所嘗遊與神會

竹書紀年帝舜十五年帝命夏伯有事於太室

續漢書武帝禮登中嶽聞有呼萬歲聲者三於是

三百戶封奉祀命曰崇高邑至靈帝復改崇高爲嵩高焉

水經嵩高爲中嶽在潁川陽城縣西北注爾雅山大而高曰崧合而言之爲崧高分而名之爲二室山有玉女臺言漢武帝見因以名臺

唐書天文志鶉火大火壽星彘韋爲中州其神三乎嵩邱填星位焉

盧元明嵩高記高二千八百丈周回七十五里

元和郡縣志嵩高山在告成縣西北二十三里登封縣北八里高二十里周一百三十里

袁宏道嵩遊記古云華山如立嵩山如臥二語勝畫

余謂華山如峩冠道士振衣天末嵩則眠龍而癩者
也

禹貢雖指外方嵩高古時皆指嵩高爲太室韋昭戴
延之則兼二室並稱然前人題詠猶以太室稱嵩山
而少室則仍其本名故有嵩少之目太室中峰爲峻
極詩大雅嵩高惟嶽駿極於天稱雅山高者自名
崧本不指中嶽今中岳名嵩高或取此文以立名自
劉熙釋名云崧字或爲嵩則二字通作一字世遂以
降神生甫專歸之中岳

方輿紀要嵩高中岳也羣山間之秀居四方之中嶽
然特起形方氣厚故曰嵩高武帝禮祭中岳後

魏文帝宏太和二十年如嵩高唐高宗永淳初於山
南作奉天宮武后垂拱四年號嵩高爲神岳旣而封
神岳禪少室

嵩山志太室二十四峰見道藏吳天師靈蹟記青童
黃蓋浮邱三鶴遇聖萬歲玉鏡獅子虎頭起雲鳳皇
金壺十二峰在中峰東華蓋元龜臥龍會仙子晉玉
在老翁玉人玉女獨秀積翠太白十二峰在中峰西
凡二十四

舊志太室山在縣北五里山海經作泰室西征記曰
謂之室以其下各有石室焉中峰卽所謂嵩頂唐武
后立封禪壇於其上有天門石樓玉女廳搗帛石定

心石三醉石高登崖諸勝東西廣四十里南北深三十里自下至巔直上計二十里周圍一百四十里有二十四峰見道藏吳天師靈蹟記

新府志登太室之道有三一自逍遙谷上野豬坡唐宋名人登嵩者多道此一自萬歲峰側稍迂遠爲漢武登嵩故道一自黃蓋峰後直上度大小鐵梁峽爲今

御道登太室中頂廿四峰羅列左右中頂上有玉井有玉女窻玉女搗帛石紀異志石在立秋前一日中夜嘗聞杵聲又封禪壇下有石室韓退之借盧仝李渤嘗宿其中中頂之左南郤曰金壺峰拾遺記謂詳

提綱入用肘後金匱邊佐老子寫道德經者也餘墨淋
滴潑石上成篆隸科斗文次南曰起雲峰峰西爲野
豬坡曰鳳皇峰高家時有鳳皇集其上曰玉鏡峰志
謂峰上嘗覓玉鏡浮空也又南曰虎頭峰峰有虎口
巖乃唐李奎得黃帝陰符本經處在逍遙谷東又東
曰萬歲峰以武帝時三呼萬歲得名在崇福宮上稍
東曰獅子峰以狀名峰之北曰遇聖峰神仙傳武帝
遇丸嶷仙人采石上菖蒲一寸九節可以長生是也
又曰三鶴峰道士李八百鍊藥三鶴翔其上有白鶴
觀遺址又東曰浮邱峰爲仙者浮邱公所居下拖爲
望朝嶺又東在嶽廟上者曰黃蓋峰武帝登嵩時有

黃雲蓋其上峰東北曰青童峰當太室中頂東南中頂之右南臺者曰玉柱峰遙望色白如削玉旁曰老翁峰有石如老翁稍西而北曰玉人峰嵩高記中頂南下二百步有嶽祠玉人高五寸爲祠主蓋武帝於峰上得之又與玉人峰相次者曰玉女峰太白詩我有萬古宅嵩陽玉女峰是也相傳峰有大篆七字世莫能識迤西曰獨秀峰又取形似名金匱又西迤南曰積翠峰在會善寺上最西曰太白峰以方名近明煉師者曰子晉峰下爲太子溝近中頂西曰會仙峰峰上有八仙壇西北有臥龍峰上有京兆王墓亦名臺坡其中頂上近北圓峯者曰華蓋峰取象天官

華蓋星也中頂北倚者曰元龜取北方元武義也又於廿四峰外補十二峰曰周道黃蓋峰後輩路也曰雞鳴在周道左曰懸練卽盧鴻乙草堂在其下曰春震居太室東曰石幔近野豬坡曰勝觀近萬歲峰曰松濤近白鶴觀曰桂輪卽鬚門亦名天門西有科斗巖乃漢張芝獲科斗古書處曰立阜在獨秀峰西曰觀香子晉妹也以名峰在明鍊寺上曰望都在太室西北可望東都曰河帶在中頂上北望大河如帶太室西南爲象鼻山

嵩山志象鼻山在登封西北五里形如象鼻

按象鼻南爲萬羊岡又爲縣治

太室東南爲郛成山

名勝志郛城山俗名鄧家山岡巒盤向中發一土形
小巔逶迤下爲夷阜卽古陽城地周公營東都求土
中立土圭以測日影

太室北爲講山

山海經講山其上多玉多栢多栢有木焉名曰帝屋
葉狀椒反傷赤實可以禦凶

講山東北爲牛山

廬元明嵩高記太室後有小山名牛山其中多杏
舊志在嵩山東麓多杏樹

講山東爲東龍門山

淵鑑類函自嶽神廟東北三十里至一山名曰東龍門

新府志東龍門兩山相對曰門頭砦曰招風堞唐范陽盧照鄰隱於此

舊志在岳廟東北三十里見雜道書唐盧照鄰疾甚客東龍門醫藥

又東爲三臺山

淵鑑類函東龍門東有三臺山昔漢武東巡過此見學仙女帝觀之因以名焉

三臺南爲陽城山一名馬領山

水經注潯水出潁川陽城山山在陽城縣東北蓋焉

領之統目洧水東南流逕一故臺南俗謂之陽子臺
又東逕馬領塢北塢在山上塢下泉流北注亦謂洧
別源也

明史地理志登封有陽城山洧水所出下流至扶溝
縣入沙河

三塗山東北入登封界爲岳高山
水經注狂水逕阜高山北

又東爲大熊山

方輿紀要大熊山在登封西南五十里頂寬平四圍
陔峻俗曰大熊塞可避兵

又東爲小熊山

方輿紀要小熊山一名交牙山在登封南四十里有石門

李通志小熊山下有二洞深不可測

舊志大熊山在雙圭嘴之東亦稱大熊砦卽交牙砦也唐詩稱交崖山山形陡峻惟有東西兩徑東徑自王莽坪緣山脊而上路甚險西徑自孤石溝而入溝盡處折而南則大熊之西巖也其東巖最高處有一石洞曰仙人洞其南稍平處有潭曰黃龍潭小熊山在縣南三十里下有二洞深不可測亦稱小熊砦

又東爲箕山

隋書地理志陽城有箕山

水經注陽城南對箕山山上有許山冢堯所封也故
大史公曰余登箕山有許山墓焉山下有牽牛墟側
潁水有犢泉是巢父還牛處也石上有犢跡存焉又
有許由廟碑闕尙存漢潁川太守朱寵所立

魏書地形志康城有箕山許由隱窟

李通志箕山在登封東南三十里一名許由山唐胡
曾詩寂寂箕山春復秋更無人到此溪頭華嶽巖畔
中宵月千古空聞屬許由

舊志亦名許由山初學記許由山高大四絕其北有
潁水堯聘許由其處猶有壇墀

又東爲偃月山

隋書地理志陽城有偃月山

舊志在箕山之左

縣又有懊來山

明一統志在登封縣東南五里

舊志在縣東四里俗名蠅子山山頂故有塔後久誤毀之明崇正二年郝猷獻重建

按明一統志山在縣東南五十里句蓋誤

高金山

舊志在縣東北山圓而秀

玉案山

舊志嶽廟前之南案也潁水遶流案外山之尾直抵

陽城西上多白雲故曰玉案

棋盤山

舊志在懷來山西南一里許山形甚怪俗稱爲登封城水口之煞形家所謂羅星鎮水口也山上平石如砥有天然碁盤形俗傳仙人奕碁處

三尖山

舊志在縣南三峰甚銳俗名駱駝岡

按舊志又載有歌山云見宋河南志在少室諸峰內又有清煙七星望朝金牛分水諸嶺赤脚弃瓢橋濕錦帶摩蒼栢屢駱駝東巖寶豐石梯高登養龍諸巖顏回羅漢達磨金盃老君紫雲石樓石乳文殊雲鍾

毛女龍簡桃芝白道古鼎諸洞大鐵梁玉皇待仙諸
峽鏡乳光明鶴泣穴織文玉女煉魔諸臺三皇長官
二砦嵩門石門子門東天門西天門石場峻嶒坡峽
風口諸勝皆嵩少諸山峰麓之別名不見於記載故
附錄於此

登封縣志卷八終

登封縣志卷七

太常寺博士洪亮吉

同纂

登封縣知縣陸繼萼

山川記下

潁水出登封西陽乾山潁谷是爲右潁

晉書地道記潁水出陽乾山

水經注潁水出少室地理志日出陽城縣陽乾山今潁水有三源奇發右水出陽山之潁谷春秋潁考叔爲其封人其水東北流

按陽乾卽大誓曰陽乾者居陽城乾位也潁源在山南分水嶺東地名水神頭有純孝伯祠是爲潁谷潁

水東流有翟峪水注之一名澤餘水水亦出陽乾爲
右潁別源通名潁谷

右潁東流中潁水東南流注之一名灑水

山海經潁水出少室山

水經注中潁導源少室通阜東南流逕負黍亭東春
秋定公六年鄭伐馮滑負黍馮敬通顯志賦求善卷
之所在遇許由於負黍京相璠云負黍在潁川陽城
縣西南二十七里世謂之黃城也亦或謂是水爲灑
水東與右水合潁水注灑水出潁川陽城縣少室山東
流注於潁水灑水注

按中潁今後河水後河本名灑灑水出當陽山前

卽少室通阜也亦有二源一爲月灣水一爲後河北水合流至大金店入潁卽負黍

又東左潁水東南流注之

水經注左潁出少室南潁東合潁水呂氏春秋卞隨耻受湯讓自投此水而死張顯逸民傳稽叔夜高士傳並言投澗水箕莊子作澗水司馬注作澗水又云桐水潁澗古通禮潁衣一作綱是其例也澗澗桐皆字誤

按左潁今顧家河水

又東少陽澗水東南流注之

方輿紀要少陽河在登封西南十五里源出少室山

流入潁又雙谿水源出嵩山麓亦南流入潁

按少陽河源於少室之寶豐泉下爲五龍潭東過少林寺前又東南納太子溝水又東南納玉黃峽水又南屈而東逕清烟嶺南與雙溪水合雙溪導源法王嵩嶽寺東南合流又與疊石溪水合疊石溪卽逍遙谷上納太室前諸小水下合雙溪東南與少陽河同入潁

又東五渡水東南流注之

水經注潁水又東五渡水注之其水導源崇高縣東北太室東谿縣漢武帝置以奉太室俗謂之崧陽城及春夏雨泛水自山頂迭相灌澍嶠流相承爲二十

八浦陽旱輟澤而石潭不耗道路遊憩者惟得養食而已無敢澡盥其中苟不如法必數日不豫是以行者憚之山下大澤周數里而清深肅潔水中有立石高十餘丈廣二十許步上甚平整縑素之士多泛舟昇陟取暢山情其水東南流陽城西石溜縈委溯者五涉故謂之五渡水東南流入潁水

按五渡水之源有二一為盧巖水一為龍潭寺水

經注謂自山頂透相漉湖嶠流相承者盧巖瀑布也
謂無敢澡盥苟不如法必數日不豫者龍潭水也二水合流故注兼而言之但龍潭水有二一為龍潭寺水一為龍潭溝水龍潭寺水與盧巖水合流為五渡

水倒泝溝水由太室陰屈而東而南與石淙水合道
元所謂龍淵水逕陽城北者別指倒泝溝水說當誤
以注龍淵爲龍潭寺水疑二水昔分今合而不知非
也

又東過陽城故縣南

水經注潁水逕陽城南昔舜禪禹禹避商均伯益避
啟並於此亦周公土圭測日景處縣南對箕山山下
側潁水有饋泉

又東平洛谿水東南流注之一名石淙水

水經注潁水東與龍淵水合其水導源龍淵東南流
逕陽城北又東南入於潁平洛谿水發玉女臺下

洛澗世謂之平洛水。呂忱所謂石水山陽城山也。水也。又東南流注於潁。

名勝志石淙在登封東南三十里。唐則天后與羣臣會飲於此。賦詩。薛曜序。畧云石淙者俗謂之平樂澗。近接嵩嶺。俯界箕峯。瞻少室兮若連睇。潁水兮如帶。按道元分記。龍淵平洛入潁。今實合流入潁。平洛卽一平樂。今名大小石淙。

潁水又東南入禹州

明史地理志潁水出登封至南直壽州人淮

按潁水自登封潁谷至東南禹州界百一十里

大狂水出大碁山陽

山海經大磬之山其陽狂水出焉西南流注於伊水
水經注伊水逕當階城西大狂水入焉水東出陽城
縣之大磬口山海經大磬之山狂水出焉又西逕綸
氏故城南石與倚薄山水合水北出倚薄山南逕黃
城西又南逕綸氏故城東而南流注於狂水狂水又
西八風谿水注之水北出八風山南流逕綸氏城西
西南流入於狂水狂水又西得三交水口水有二源
各導一溪並出山南合流故世有三交之名也其水
西南流注於狂水狂水又西逕缶高山北西南與湮
水合水出東北湮谷西南流逕武林亭東北又屈逕
其亭南其水又西南逕湮陽亭東蓋藉水以名亭也

又東南流入於狂狂水又西逕涇陽城南又西逕當階城南而西流注於伊

按裴卽苦字之誤大裴口在大裴山南今其地名海子狂水所出倚薄山水有二源合流逕繡氏城東又與城南水合水出近西北澗中合流南注於狂八風谿水今名江左河有古碑云唐高宗幸嵩過此愛其山川秀麗顧謂侍臣曰江左風景不過如是因名江左三交水今登封西界丁劉水湮水上源入伊陽界狂水西流至伊磨邨入伊水

又按舊志於山川一門最爲淆亂如八風谿卽江左河而旣載八風谿又載江左河五渡水卽龍潭水下

流而志亦並載如此之類不可枚舉故此志不世遵之

大狂水合八風谿三交口及湮水三水西流注於伊水
舊志大狂水合八風谿水三交口水湮水又西逕湮
陽城南西流注於伊水

小狂水一名來需水出半石山西南流入伊水

山海經半石之山來需水出於其陽西流注於洛
接伊水又入洛經文簡贊故云來需水西注洛也

水經注伊水北逕高都城東來需之水出於半石之
山西南流逕斌輪城北西歷麥澗水以其西流又謂
之小狂水也其水又西南逕大石嶺南又西南逕赤

涓城南又西至高都城東西公移水謂之曲水也

按高都城在伊水西小狂水在伊水東隔岸紀水獨至高都城東西入伊水斌輪城為坡赤眉城今許家營

涓水出陽城山東南入潁水

漢書地理志陽城山涓水所出東經至長平入潁過鄆三行五百里

水經涓水出河南密縣西南馬領山酈道元注水出山亦言出潁川陽城山山在陽城之東北蓋馬領之統目焉

按涓水源今在密縣水經是也然涓水出陽城山見

於班志道元言陽城山爲馬領之統目其說最諦且
舊志相沿皆云縣有洧水散仍錄入而附記於此
休水出少室山北流注於洛水

山海經少室之山休水出焉北流注於洛

水經注洛水又東休水自南注之其水導源少室山
西流逕穴山南而北與少室山水合水出少室北谿
西南流注休水休水又左會南谿水水發大穴南山
北流入休水休水又西南北屈潛流地下其故瀆北
屈出峽謂之大穴口北歷覆釜堆東蓋以物象受名
矣 休水又北流注於洛水

按道元注謂休水導源少室逕穴山南穴山者今黃

鹿岡也休水又左會南溪水發大穴南山大穴南山者今夾溝南山也至謂潛流地下故瀆出峽歷覆釜堆東屈零星塢水流潛通重源又發今亦不然蓋澗底多石罅水流時有斷續道元據爾時所見言之非休水有重源也或疑大穴口爲今東西九龍山口不知九龍山口乃劉澗水所出下流入合水道元所謂水出半石東山者也其爲大穴口自據休水出峽處爲言與劉澗水無涉

焦河出太室山東南入潁水

舊志出泰室東南流與少陽水合東折與石淙水合又東南注於潁

玉谿出石羊關東平地

舊志在石羊關東泉自地湧其色如玉噴湧瀾翻勢若纍珠錯

嵩書一名翻珠池泉曰飛玉泉谿東厓畔磐石可垂釣謂之釣臺厓上野栢紛披有石室兩所境絕勝

金屑谿出縣南五里

舊志在縣南五里相傳谿中有金屑如麩

九龍潭出太室東

舊志在太室東巖之巔巔中懸一大壑水自壑中注峽內有九壘每壘結一潭迭相貫注水色洞黑其深無際厓峻波濤怒激登臨者凜然生畏焉九

潭中第一潭與第八潭最巨八潭之下又一大潭共
爲九龍潭唐武后常同太平公主遊此集古錄云戒
人遊龍潭者勿語笑以黷神龍龍怒則有雷恐天封
一觀題名云韓愈遊嵩酌龍潭水遇雷

石虎潭出告成東七里

舊志在告成東七里潁水與山中衆水至此合流激
湍滙爲巨浸其水逕北崖畔嚙去土膚石如羊崖上
又有石如虎皆酷肖俗謂之石虎潭其東爲石羊關
按舊志又有響水潭云在縣西四十五里又有白龍
潭云在娘子臺下

舞水出少室諸峰

宋河南志舞水在少室諸峰內

按舞水今無可考

天門泉

舊志太室天門之側有泉冷然

一斗泉

名勝志潁陽城西南十五里有泉汲與不汲長惟

斗

七星泉

舊志在七星嶺下泉自山出七空相連

白龜泉

嵩嶽志道士楊洞微不知何許人住崇福觀嘗與客

共觀白龜泉石螭容曰螭旁行天性乎洞微以手指之螭卽直行

醴泉

舊志在縣南門外泉自平地湧出其味甘美

馬跑泉

舊志在縣東二十里相傳有神馬跑地泉出

龍泉

舊志在縣西北十里會善寺後有大石泉生石下相傳昔有宴公者不知所自嘗講經此寺寺故乏水一日有老人聽經公知其龍也告以乏水於是泉乃生焉自寺右流至山門而沒止供寺汲不資灌溉豈書

稱爲龍贈泉

鳴琴泉

嵩嶽志在太室南亦見嵩書

太乙泉

舊志在崇福宮後宋時奉福諸賢嘗引泉爲流觴曲水之樂石渠猶存崇福宮在唐爲太乙觀故泉仍其名云

卓錫泉

舊志在二祖庵前相傳爲惠可卓錫得泉因名庵內有四井相對待四檜覆之亦稱卓錫井

天池

舊志在中峰上其水甘冽冬夏不涸南齊庾信温湯碑曰嵩山三仙之館不孤擅於天池卽指此

太子池

舊志在縣西二十里永泰寺西巖下一石巘去池數十丈上有圓坎如盆俗謂之太子池左右巖壁立石如笏削直而有孔者四五羅列拱衛亦一作境

聖帝池

嵩嶽志在嶽廟東北二里俗稱聖水也

洗耳池

羅泌路史逸士傳云巢父聞堯禪由由不受逃之以爲汚也乃洗其耳池濱樊豎字仲父方飲其生乃驅

去之耻牛飲其洗耳之下流據此是巢父洗耳也路
史又曰益都傳云堯傳許由非不誠也洗其兩耳世
何徵焉魏子且云許由立身守志不甘祿位於是洗
耳不受堯滌此謹退之至也據此又是許由洗耳也
之說並存

魏京兆王池

舊志王居嵩山時所鑿

石柱川

舊志在縣東十五里有二石夾水而立屹然如柱

雲母井

舊志嵩高山記云少室山有雲母井出雲母見初學

記

八角井

舊志在嵩岳麓漢武帝煉丹於此見嵩嶽志

水匯

舊志在少室頂雷家寨西三里許有一大谷谷分兩
叉自南而北環抱其前谷口甚怪昔人避亂者坊之
以菁水謂之水匯廣數畝深數丈可以泛舟今廢

登封縣志卷六終

登封縣志卷七

太常寺博士洪亮吉

同纂

登封縣知縣陸繼萼

山川記下

潁水出登封西陽乾山潁谷是爲右潁

晉書地道記潁水出陽乾山

水經注潁水出少室地理志日出陽城縣陽乾山今潁水有三源奇發右水出陽山之潁谷春秋潁考叔爲其封人其水東北流

按陽乾卽大誓曰陽乾者居陽城乾位也潁源在山南分水嶺東地名水神頭有純孝伯祠是爲潁谷潁

水東流有翟峪水注之一名澤餘水水亦出陽乾爲
右潁別源通名潁谷

右潁東流中潁水東南流注之一名灑水

山海經潁水出少室山

水經注中潁導源少室通阜東南流逕負黍亭東春
秋定公六年鄭伐馮滑負黍馮敬通顯志賦求善卷
之所在遇許由於負黍京相璠云負黍在潁川陽城
縣西南二十七里世謂之黃城也亦或謂是水爲灑
水東與右水合潁水注灑水出潁川陽城縣少室山東
流注於潁水灑水注

按中潁今後河水後河本名灑灑邨水出當陽山前

卽少室通阜也亦有二源一爲月灣水一爲後河北水合流至大金店入潁卽負黍

又東左潁水東南流注之

水經注左潁出少室南繫東合潁水呂氏春秋卞隨耻受湯讓自投此水而死張顯逸民傳稽叔夜高士傳並言投澗水箕子作桐水司馬注作澗水又云桐水潁澗首通禮潁衣一作綱是其例也澗洞桐皆字誤

按左潁今顧家河水

又東少陽澗水東南流注之

方輿紀要少陽河在登封西南十五里源出少室山

流入潁又雙谿水源出嵩山麓亦南流入潁

按少陽河源於少室之寶豐泉下爲五龍潭東過少林寺前又東南納太子溝水又東南納玉黃峽水又南屈而東逕清烟嶺南與雙溪水合雙溪導源法王嵩嶽寺東南合流又與疊石溪水合疊石溪卽逍遙谷上納太室前諸小水下合雙溪東南與少陽河同入潁

又東五渡水東南流注之

水經注潁水又東五渡水注之其水導源崇高縣東北太室東谿縣漢武帝置以奉太室俗謂之崧陽城及春夏雨泛水自山頂迭相灌澍嶠流相承爲二十

八浦陽旱輟澤而石潭不耗道路遊憩者惟得養食而已無敢澡盥其中苟不如法必數日不豫是以行者憚之山下大澤周數里而清深肅潔水中有立石高十餘丈廣二十許步上甚平整縑素之士多泛舟昇陟取暢山情其水東南流陽城西石溜縈委溯者五涉故謂之五渡水東南流入潁水

按五渡水之源有二一為盧巖水一為龍潭寺水本

經注謂自山頂透相漉湖嶠流相承者盧巖瀑布也

謂無敢澡盥苟不如法必數日不豫者龍潭水也二

水合流故注兼而言之但龍潭水有二一為龍潭寺

水一為德濟溝水龍潭寺水與盧巖水合流為五渡

水倒泝溝水由太室陰屈而東而南與石淙水合道
元所謂龍淵水逕陽城北者別指倒泝溝水說當誤
以注龍淵爲龍潭寺水疑二水昔分今合而不知非
也

又東過陽城故縣南

水經注潁水逕陽城南昔舜禪禹禹避商均伯益避
啟並於此亦周公土圭測曰景處縣南對箕山山下
側潁水有饋泉

又東平洛谿水東南流注之一名石淙水

水經注潁水東與龍淵水合其水導源龍淵東南流
逕陽城北又東南入於潁平洛谿水發玉女臺下

洛澗世謂之平洛水。呂忱所謂石水山陽城山也。水也。又東南流注於潁。

名勝志石淙在登封東南三十里。唐則天后與羣臣會飲於此。賦詩。薛曜序。畧云石淙者俗謂之平樂澗。近接嵩嶺。俯界箕峯。瞻少室兮若連睇。潁水兮如帶。按道元分記。龍澗平洛入潁。今實合流入潁。平洛卽平樂。今名大小石淙。

潁水又東南入禹州。

明史地理志潁水出登封至南直壽州人淮。

按潁水自登封潁谷至東南禹州界百一十里。

大狂水出大碁山陽。

山海經大磬之山其陽狂水出焉西南流注於伊水
水經注伊水逕當階城西大狂水入焉水東出陽城
縣之大磬口山海經大磬之山狂水出焉又西逕綸
氏故城南石與倚薄山水合水北出倚薄山南逕黃
城西又南逕綸氏故城東而南流注於狂水狂水又
西八風谿水注之水北出八風山南流逕綸氏城西
西南流入於狂水狂水又西得三交水口水有二源
各導一溪並出山南合流故世有三交之名也其水
西南流注於狂水狂水又西逕缶高山北西南與湮
水合水出東北湮谷西南流逕武林亭東北又屈逕
其亭南其水又西南逕湮陽亭東蓋藉水以名亭也

又東南流入於狂狂水又西逕涇陽城南又西逕當階城南而西流注於伊

按裴卽苦字之誤大裴口在大裴山南今其地名海子狂水所出倚薄山水有二源合流逕繡氏城東又與城南水合水出近西北澗中合流南注於狂八風谿水今名江左河有古碑云唐高宗幸嵩過此愛其山川秀麗顧謂侍臣曰江左風景不過如是因名江左三交水今登封西界丁劉水湮水上源入伊陽界狂水西流至伊磨邨入伊水

又按舊志於山川一門最爲淆亂如八風谿卽江左河而旣載八風谿又載江左河五渡水卽龍潭水下

流而志亦並載如此之類不可枚舉故此志不遵之

大狂水合八風谿三交口及湮水三水西流注於伊水
舊志大狂水合八風谿水三交口水湮水又西逕湮
陽城南西流注於伊水

小狂水一名來需水出半石山西南流入伊水

山海經半石之山來需水出於其陽西流注於洛
接伊水又入洛經文簡贊故云來需水西注洛也

水經注伊水北逕高都城東來需之水出於半石之
山西南流逕斌輪城北西歷芟澗水以其西流又謂
之小狂水也其水又西南逕大石嶺南又西南逕赤

涇城南又西至高都城東西公移水謂之曲水也

按高都城在伊水西小狂水在伊水東隔岸紀水獨至高都城東西入伊水斌輪城為坡赤眉城今許家營

涇水出陽城山東南入潁水

漢書地理志陽城山涇水所出東經至長平入潁過鄆三行五百里

亦經涇水出河南密縣西南馬領山鄆道元注水出潁亦言出潁川陽城山山在陽城之東北蓋馬領之統目焉

按涇水源今在密縣水經是也然涇水出陽城山見

於班志道元言陽城山爲馬領之統目其說最諦且
舊志相沿皆云縣有洧水散仍錄入而附記於此
休水出少室山北流注於洛水

山海經少室之山休水出焉北流注於洛

水經注洛水又東休水自南注之其水導源少室山
西流逕穴山南而北與少室山水合水出少室北谿
西南流注休水休水又左會南谿水水發大穴南山
北流入休水休水又西南北屈潛流地下其故瀆北
屈出峽謂之大穴口北歷覆釜堆東蓋以物象受名
矣 休水又北流注於洛水

按道元注謂休水導源少室逕穴山南穴山者今黃

鹿岡也休水又左會南溪水發大穴南山大穴南山者今夾溝南山也至謂潛流地下故瀆出峽歷覆釜堆東屈零星塢水流潛通重源又發今亦不然蓋澗底多石罅水流時有斷續道元據爾時所見言之非休水有重源也或疑大穴口爲今東西九龍山口不知九龍山口乃劉澗水所出下流入合水道元所謂水出半石東山者也其爲大穴口自據休水出峽處爲言與劉澗水無涉

焦河出太室山東南入潁水

舊志出太室東南流與少陽水合東折與石淙水合又東南注於潁

玉谿出石羊關東平地

舊志在石羊關東泉自地湧其色如玉噴湧瀾翻勢若纍珠錯

嵩書一名翻珠池泉曰飛玉泉谿東厓畔磐石可垂釣謂之釣臺厓上野栢紛披有石室兩所境絕勝

金屑谿出縣南五里

舊志在縣南五里相傳谿中有金屑如麩

九龍潭出太室東

舊志在太室東巖之巔巔中懸一大壑水自壑中

注峽內有九壘每壘結一潭迭相貫注水色洞黑其

深無際厓峻險峻波濤怒激登臨者凜然生畏焉九

潭中第一潭與第八潭最巨八潭之下又一大潭共
爲九龍潭唐武后常同太平公主遊此集古錄云戒
人遊龍潭者勿語笑以黷神龍龍怒則有雷恐天封
觀題名云韓愈遊嵩酌龍潭水遇雷

石虎潭出告成東七里

舊志在告成東七里潁水與山中衆水至此合流激
湍滙爲巨浸其水逕北崖畔嚙去土膚石如羊崖上
又有石如虎皆酷肖俗謂之石虎潭其東爲石羊關
按舊志又有響水潭云在縣西四十五里又有白龍
潭云在娘子臺下

舞水出少室諸峰

宋河南志舞水在少室諸峰內

按舞水今無可考

天門泉

舊志太室天門之側有泉冷然

一斗泉

名勝志潁陽城西南十五里有泉汲與不汲長惟

斗

七星泉

舊志在七星嶺下泉自山出七空相連

白龜泉

嵩嶽志道士楊洞微不知何許人住崇福觀嘗與客

共觀白龜泉石螭容曰螭旁行天性乎洞微以手指
之螭卽直行

醴泉

舊志在縣南門外泉自平地湧出其味甘美

馬跑泉

舊志在縣東二十里相傳有神馬跑地泉出

龍泉

舊志在縣西北十里會善寺後有大石泉生石下相
傳昔有宴公者不知所自嘗講經此寺寺故乏水一
日有老人聽經公知其龍也告以乏水於是泉乃生
焉自寺右流至山門而沒止供寺汲不資灌溉豈書

稱爲龍贈泉

鳴琴泉

嵩嶽志在太室南亦見嵩書

太乙泉

舊志在崇福宮後宋時奉福諸賢嘗引泉爲流觴曲水之樂石渠猶存崇福宮在唐爲太乙觀故泉仍其名云

卓錫泉

舊志在二祖庵前相傳爲惠可卓錫得泉因名庵內有四井相對待四檜覆之亦稱卓錫井

天池

舊志在中峰上其水甘冽冬夏不涸南齊庾信溫湯
碑曰嵩山三仙之館不孤擅於天池卽指此

太子池

舊志在縣西二十里永泰寺西巖下一石巘去池數
十丈上有圓坎如盆俗謂之太子池左右巖壁立石
如笏削直而有孔者四五羅列拱衛亦一作境

聖帝池

嵩嶽志在嶽廟東北二里俗稱聖水也

洗耳池

羅泌路史逸士傳云巢父聞堯禪由由不受逃之以
爲汚也乃洗其耳池濱樊豎宇仲父方飲其生乃驅

去之耻牛飲其洗耳之下流據此是巢父洗耳也路
史又曰益都傳云堯傳許由非不誠也洗其兩耳世
何徵焉魏子且云許由立身守志不甘祿位於是洗
耳不受堯滌此謹退之至也據此又是許由洗耳也
一說並存

魏京兆王池

舊志王居嵩山時所鑿

石柱川

舊志在縣東十五里有二石夾水而立屹然如柱

雲母井

舊志嵩高山記云少室山有雲母井出雲母見初學

記

六角井

舊志在嵩岳麓漢武帝煉丹於此見嵩嶽志

水澗

舊志在少室嶺喬家寨西三里許有一大谷谷分兩
叉自南而北環抱其前谷口甚隘昔人避亂者坊之
以善水謂之水厓廣數畝深數丈可以泛舟今廢